

Na osnovu člana 12. Zakona o Ministarstvima i drugim organima uprave Bosne i Hercegovine („Službeni glasnik BiH“, br.: 5/03, 42/03, 26/04, 42/04, 45/06, 88/07), i na osnovu člana 16. Zakona o upravi („Službeni glasnik BiH“, broj 32/02), te na osnovu člana 2. stav (3) Odluke o rasporedu budžetskih sredstava za rješavanje problema Roma u oblasti zapošljavanja, stambenog zbrinjavanja i zdravstvene zaštite za 2014. godinu donesene 4. 4. 2014. godine na 89. sjednici Vijeća ministara Bosne i Hercegovine, ministar za ljudska prava i izbjeglice Bosne i Hercegovine raspisuje

**JAVNI POZIV
za prikupljanje projektnih prijedloga
za rješavanje problema Roma u oblasti stambenog zbrinjavanja
za 2014. godinu**

Predmet i cilj Javnog poziva

Predmet Javnog poziva je prikupljanje projektnih prijedloga za rješavanje problema Roma u oblasti stambenog zbrinjavanja za 2014. godinu u cilju implementacije Akcionog plana Bosne i Hercegovine za rješavanje problema Roma u oblasti stambenog zbrinjavanja.

Visina sredstava

Ukupno osigurana sredstva namijenjena za sufinansiranje projekata stambenog zbrinjavanja Roma iznose **2.250.000,00 KM**, od čega:

- u F BiH 1.253.200,00 KM i udružena sredstva iz budžeta F BiH 250.000,00 KM, što je ukupno.....	1.503.200,00 KM
- u Republici Srpskoj	626.800,00 KM
- Distriktu Brčko BiH.....	120.000,00 KM

Namjena sredstava

Podnosioci projektnih prijedloga pripremaju projekte prema sljedećoj namjeni:

- a) za izgradnju individualnih kuća i stanova u privatnom vlasništvu,
- b) za izgradnju socijalnih stanova i kuća namjenjenih za socijalno stanovanje,
- c) za poboljšanje uvjeta stanovanja (rekonstrukcija postojećih kuća i sanacija stanova iz tačaka a i b),
- d) za izgradnju i unapređenje prateće komunalne infrastrukture u romskim naseljima,
- e) djelimično sufinansiranje programa za legalizaciju bespravno izgrađenih stambenih objekata.

Projektni prijedlozi se mogu odnositi na jednu ili više namjena.

Maksimalni iznos koji se odobrava iz raspoloživih budžetskih sredstava može iznositi do 200.000,00 KM po jednom projektnom prijedlogu.

Sredstva sufinansiranja prikazuju se kao sastavni dio projektnih prijedloga i mogu premašiti maksimalan iznos i ulaze u ukupnu vrijednost projektnog prijedloga.

Pravo učešća na Javnom pozivu

Pravo učešća na Javnom pozivu imaju općine, gradovi, kantoni, entiteti, Brčko distrikt BiH, domaće i strane vladine i nevladine neprofitne organizacije i institucije i drugi domaći i strani donatori u saradnji sa općinom na čijem se području provodi projekt.

Sve navedene institucije i organizacije mogu udruživati vlastita raspoloživa sredstva u svrhu zajedničke realizacije ovih projekata za stambeno zbrinjavanje Roma.

Opći uvjeti za učešće na Javnom pozivu

Opći uvjeti za podnošenje projektnih prijedloga su:

- 1) Krajnji korisnici projekata su Romi i romska domaćinstva koja su u potrebi za stambenim zbrinjavanjem ili unapređenjem uvjeta stanovanja,
- 2) Izbor krajnjih korisnika vrši se na osnovu Uputstva o načinu dodjele pomoći, odabira korisnika i realizacije projekata za stambeno zbrinjavanje Roma u Bosni i Hercegovini.

Opći uvjeti su eliminatorni i obavezujući za sve podnosioc.

Posebni kriteriji za vrednovanje projektnih prijedloga

Posebni kriteriji za vrednovanje projektnih prijedloga koji su osnov za rangiranje su:

- 1) Kvalitet i sveobuhvatnost projekta,
- 2) Učešće u sufinansiranju (sredstvima, zemljištu, infrastrukturi i dr.),
- 3) Broj krajnjih korisnika projekta u odnosu na tražena sredstva,
- 4) Racionalnost u planiranju troškova izgradnje (cijena m² stambenog prostora),
- 5) Doprinos društvenoj uključenosti Roma i razvoju održivih zajednica.

Način vrednovanja posebnih kriterija

Maksimalan broj bodova kojima se vrednuju posebni kriteriji ukupno je 100, od čega se vrednuje:

- 1) Kvalitet i sveobuhvatnost projekta do 30 bodova,
- 2) Učešće u sufinansiranju (sredstvima, zemljištu, infrastrukturi i dr.) do 30 bodova,
- 3) Broj krajnjih korisnika projekta u odnosu na tražena sredstva..... do 20 bodova,
- 4) Racionalnost u planiranju troškova izgradnje do 10 bodova,
- 5) Doprinos društvenoj uključenosti Roma i razvoju održivih zajednica do 5 bodova,
- 6) Teritorijalna zastupljenost po osnovu prve prijave općine..... do 5 bodova.

Vrijeme trajanja Javnog poziva i način podnošenja projektnih prijedloga

Prijave na Javni poziv, zajedno sa pratećom dokumentacijom, dostavljaju se lično ili putem pošte na adresu Ministarstva za ljudska prava i izbjeglice BiH, Trg BiH 1, u zatvorenim kovertama, sa naznakom za Komisiju za odabir projekata iz oblasti stambenog zbrinjavanja Roma u BiH, **ISKLJUČIVO NA PRIJAVNOM OBRASCU** koji se može preuzeti u prostorijama Ministarstva za ljudska prava i izbjeglice BiH ili je dostupan na stranici www.mhrr.gov.ba

Javni poziv za prikupljanje projektnih prijedloga otvoren je 30 dana od dana objavljivanja.

Neblagovremene prijave se neće uzimati u razmatranje.

Evaluacija projektnih prijedloga i način odabira projekata za sufinansiranje

Komisija za odabir projekata iz oblasti stambenog zbrinjavanja Roma imenovana Odlukom ministra za ljudska prava i izbjeglice BiH će pripremiti metodologiju ocjenjivanja, izvršiti ocjenjivanje i rangiranja projekata iz oblasti stambenog zbrinjavanja Roma u BiH u roku od 60 dana od dana isteka roka za dostavljanje projektnih prijedloga.

Komisija za odabir projekata iz oblasti stambenog zbrinjavanja Roma zadržava pravo da od podnosioca koji ispunjavanju opće uvjete zatraži dodatna pojašnjenja projekta.

Odluku o odabiru projekata za sufinansiranje donosi ministar za ljudska prava i izbjeglice BiH, na osnovu prijedloga Komisije za odabir projekata iz oblasti stambenog zbrinjavanja Roma.

Način obavještanja o odabiru projekata za sufinansiranje

Obavijest o odabiru projekata bit će dostavljena u pismenoj formi svim učesnicima na Javnom pozivu.

Sa podnosiocima odabranih projektnih prijedloga zaključit će se ugovori vezani za implementaciju projekata za rješavanje problema Roma u oblasti stambenog zbrinjavanja.

MINISTAR

mr. sc. Damir Ljubić
